

### **Kenaikan Yuran Visa *Machine Readable* di Kedutaan A.S.**

Pada 20 Mei 2010, Jabatan Negara telah mengeluarkan peraturan akhir interim dalam Senarai Persekutuan bagi kenaikan yuran memproses pendaftaran visa bukan imigran, juga dipanggil yuran *Visa Machine-Readable* atau MRV), dan yuran Pas Menyeberang Sempadan (Border Crossing Card atau BCC). Peraturan akhir interim ini juga menetapkan struktur bertingkat dengan yuran berlainan bagi kategori-kategori visa bukan imigran yang lain. Yuran baru ini berkuatkuasa pada 4 Jun 2010.

Pihak Jabatan menaikkan yuran untuk memastikan sumber yang cukup bagi menampung kos memproses visa bukan imigran yang meningkat. Kenaikan ini dikenakan ke atas kedua-dua visa bukan imigran yang diletakkan di pasport dan pas menyeberang sempadan yang dikeluarkan kepada pemohon-pemohon tertentu di Mexico.

Struktur kos bertingkat yang baru diwujudkan ini menampung kos yang lebih tinggi untuk memproses kategori visa bukan imigran tertentu yang lebih rumit dan memerlukan pertimbangan yang lebih mendalam daripada kebanyakan kategori-kategori visa bukan imigran lain. Pihak Jabatan perlu menampung kos pemprosesan visa non-imigran melalui pungutan yuran pendaftaran. Atas sebab-sebab lain termasuk peningkatan ciri-ciri keselamatan baru, yuran \$131 yang ditetapkan pada 1 Januari 2008 tidak lagi dapat menampung kos terkini memproses visa bukan imigran.

Di bawah jadual yuran yang baru, pemohon kesemua visa yang tidak berdasarkan petisyen, termasuk visa pelawat dan pelancong perniagaan B1/B2 dan kesemua visa pelajar dan pelawat program pertukaran (visa F, M dan J) akan dikenakan yuran sebanyak \$140.

Pemohon-pemohon bagi visa berdasarkan petisyen akan dikenakan yuran pendaftaran sebanyak \$150. Kategori-kategori ini termasuk:

- Visa H untuk pekerja dan pelatih sementara
- Visa L untuk pekerja yang dipindahkan oleh syarikat
- Visa O untuk orang asing dengan kebolehan luar biasa
- Visa P untuk ahli sukan, artis dan penghibur
- Visa Q untuk pelawat program pertukaran budaya
- Visa R untuk pekerja dalam bidang agama

## SIARAN BERITA

Yuran pendaftaran untuk visa K bagi tunang untuk warga A.S. adalah sebanyak \$350. Yuran bagi visa E untuk pedagang triti dan pelabur triti adalah \$390.

Pemohon-pemohon yang temuduga mereka di Kedutaan Amerika Kuala Lumpur dijadualkan pada atau selepas 4 Jun, yang telah membayar yuran sebanyak \$131, boleh membayar baki bagi jumlah baru ini di kedutaan pada masa temuduga mereka. Alliance Bank, yang merupakan kontraktor yang memungut yuran kedutaan, akan mengenakan yuran baru ini secepat mungkin.

Selaras dengan peraturan akhir interim ini, pihak Jabatan juga akan mengeluarkan data kos tambahan perkhidmatan dan membuka ruang untuk komen awam selama 60 hari. Pada akhir tempoh itu, pihak Jabatan akan mempertimbangkan komen awam dan mengeluarkan peraturan akhir. Untuk melihat peraturan akhir sementara ini, sila pergi ke 75 28194 Federal Register. Komen boleh disampaikan melalui [www.regulations.gov](http://www.regulations.gov).

Maklumat mengenai kenaikan kos ini juga boleh diperolehi di Jabatan Negara, halaman internet Travel.state.gov, Fees for Visa Services, dan juga di laman-laman web kedutaan AS dan Konsulat luar negara. Hanya yuran untuk visa bukan imigran akan berubah pada 4 Jun. Cadangan perubahan kos yang berkaitan dengan pasport AS, visa imigran, dan perkhidmatan konsular lain masih sedang dikaji.